

Ленинэнь Киява

ВЛКСМ-нь
Мокшэрянь
обкомонь ды
Саранскоень ошонь
комитетэнь газетаст

Редакциянь адресэзэ:
г. Саранск, Володарская 34
телефон №21

ФЕВРАЛЕНЬ

8 чи,

1937 ие

№ 16 (690)

ЛКСМ: 7-де ие
чинь пуга

Седе домкасто тонавнемс Советтнэнь VIII-це С'ездэнь материалтнэнь

Пек покш интерес марто комсомолэцтнэ ды од ломаньтне тонавтни-
нть Сталинской Конституциянь,
Советтнэнь Чрезвычайной VIII-це
С'ездэнь материалтнэнь ды Сталин
ялганть исторической докладонзо.

Кочкуровань райононь комсомоль-
ской политшколань сетьсэнь пок-
шолгадсь аволь союзной од ло-
маньтнэнь посещаемостесь. „Ле-
нин-ки“ лемсэ колхозсо политшко-
лав аволь союзной од ломаньтнэнь
посещаемостесь 3 ломаньтэ кассь
12 ломаньс, конатнесэ колмо тей-
терть-эрянкат совасть ней ком-
сомолс. Тосо комсомолэцтнэ Ста-
лин ялганть докладонзо ловныть
колхозниктнэнь кудова.

Красный факел лемсэ колхоз-
со комсомольской организация-
сонть политшколав кармасть яка-
мо 11 од ломаньт.

Весе те корты седе, што комсо-
молэцтнэ ды аволь союзной од
ломаньтне пек покш интерес мар-
то тонавтни Сталинской Консти-
туциянь ды Советтнэнь Чрезвы-
чайной VIII-це С'ездэнь Сталин
ялганть докладонзо.

Но те тонавнеманть ушодомсто
уш зыря организациясо ульнесть
таргазь лангс пек покш асатыкст.
Зыря организация Советтнэнь
VIII-це С'ездэнь материалтнэнь ал-
кукс тонавнеманть таркас тей-
нть эрва мень вопросникт.
МТС-сэ комсомольской организа-
циясонть комитетэнь секретаресь
Глазунов пурнызе комсомолэцт-
нэнь Сталин ялганть докладонзо
тонавнемс ды алкуксонь тонав-
неманть таркас таргась зепстэнь
вопросник ды кармасть вопросонь
максеме.

Кочкуровань средней школоса
жо сень таркас, штобу организо-
вам Сталин ялганть докладонзо
тонавнеманть коряс специа-
льной кружокт, сын сонзэ тонав-
ни историянь тонавне
манзо коряс кружоксо. Програ-
мань коряс жо кружоконть робо-
танзо лоткавтызь.

Эшо вейке пек покш асатыксэс
ашги се, што пропагандистнэ (Му-
рань-Гринин) занятиягненень а
анокстыть, формальнойста юта-
втыть занятиягненень, мезень коряс
занятиясо аштицятнэнь молить ме-
лест.

Ней задачась ашти сеньсэ, што-
бу маштомс весе асатыкстнэнь ды
Советтнэнь VIII-це С'ездэнь мате-
риалтнэнь тонавнеманть органи-
зовамс истя, штобу сын чарко-
девлить ютазь материалонть ды
те материалонть пропагандирова-
ли бу райононь населенианть ютк-
со.

Тюркин.

АНОКСТЫТЬ ПРЯТ КОМСОМОЛС

Кочкуровань район. „Якстере
колхоз“ газетань типографиянь на-
борщикекс тонавницятне Бабака-
ева Настя ды Мустайкин Коля ано-
кстыть прят комсомолс, сын ней
тонавни ВЛКСМ-нть уставонзо
ды программозо.

И. Мокшанкин.



СНИМКАСОНТЬ: „Эрямс кармасть улеме седе вадра, эрямс кармасть улеме се-
де весела“. Сычков художникенть картиназо.

Фотось П. ИВАНОВОНЬ.

Балейкинань ды Щегловонь отчетост

Кенде велесэ комсомолонь
первичной организациясь ян-
варень 24-це чистэ ютавтсь
промкс, косо вейкине вопросокс
ульнесь аравтозь пионервожа-
тойтнэнь Балейкинань ды Щег-
ловонь отчетост.

— Монь отрядсо, корты Ба-
лейкина вожатоесь,—весемезэ
30 пионерт, конатнестэ, 23 пе-
рынеть ды 7 тейтерьнеть Ба-
лейкина нурькинестэ евтнесь
мезть сон тейнесь отрядсонть
ды кода роботась пионертнэнь
ютксо.

Балейкинань аволь покш от-
четстонзо неяви, што сон пио-
нертнэнь ютксо кода эряви эзь
робота, што комсомолонь пер-
вичной организациясь сонензэ
эзь лезда. Сон пионертнэнь ют-

ксо весе роботанть ветясь ан-
сяк налксемасо, конатне моль-
стизь мелест пионертнэнь, но
воспитательной робота кода-
маяк эзь ветя пионертнэнь ма-
рто, эзь ютавт вейкеяк беседа
СССР нь конституциядонть Ста-
лин ялганть докладонзо коряс,
а кортатано уш лия беседат-
неде.

Истяжо ашти тевезэ Щегло-
воньгак Комсомолонь первич-
ной организациясь весе робо-
танть кадызе Щеглов лангс.

Ней комсомолонь первичной
организациясь кундась школа-
со пионеротрядтнэнь эйсэ ро-
ботанть ды эрва шкане ма-
ксыть лезкс пионервожатойтне-
нень.

Д. Потешкин.

Кавто пограничникт кундасть кемеень бандитт

Ташкент, февралень 1-це чистэ.
Ашолгадама малав дозорось бди-
гельнойста кандсь службанзо.

Пустыньча чудиця леенть омбо-
це чирестэнзэ неявсть ломаньт.
Пограничниктнэ кекшиность чей пу-
тос ды кармасть ваномо. Ломань-
тне арсесть леенть трокс ютамо
уезь, но пельсть седе, што сынст
марясызь ведень пурксеманть ко-
ряс.

Куток кармасть неявомо туман-
онь пачк плог, конань лангсо
ульнесть а содавикс ломаньт. По-
граничниктнэ парсте содасызь ле-
енть капризнэ, што плотонть са-
ласы ведсь пек алов. Сын ста-
расть атак шума эськелязь чей

пулова молеми вирентень, косо
можно лоткавтомс плотонть.

Алкуксак, аламо минутонь ютазь
нарушительтне валгсть те таркан-
тень.

Пограничниктнэ атак хватя серь-
гедсть „Стоять, руки вверх!“
Кемеень бандитнэ-нарушительтне
кепедизь кедест ды сынст кундызь
кавто пограничниктнэ.

Кундась бандитнэ ульнесть во-
оруженнойт.

Те подвигенть кисэ нарядонь
старшэсь-пограничникесь Сень
ялгась ды яксгереармеецесь Па-
пуш ялгась получить казне.

33

Комсомольской организациясь сезевсь школастонть

Косогор велесэ начальной ды
аволь полной средней школатне-
сэ сеедьстэ сезневкшныть заня-
ятне. Тонавницятне ламоксть пе-
нияцят школань директоронть
Кочетковнэнь, но сон мезеяк тень
коряс эзь тее.

Комсомольской организациясь-
как ве ено школань роботасонть.
Сон овси а бороци школоса вад-
рясто тонавнеманть кис ды атак
вант сень лангс, што школатнесэ
сеедьстэ а эрсить занятиягнэнь пачтя
теде комсомолонь райкомов ды рай
ОНО-с.

Комсомолонь Березникень рай-
комонтень эряви ванкшномс Ко-
согор велесэ школатнэнь роботаст
ды теемс кодат эрявить выводт
истямо ладсо, штобу маласо шкас
то жо лядямс школьной роботанть.

Ж. лей.

Тонавницятнэнь туртов утреник

Турдак велень начальной шко-
лань тонавницятне вейсэ учитель-
тнэнь марто анокстыть пушкин-
ской читненень.

Февралень 10-це чистэ ули ор-
ганизовазь утреник, косо тона-
вницятнэнь пионертнэнь туртов ет
несызь А. С. Пушкинэнь биогра-
фиянзо. Теде мейле улить стихот-
ворениянь ловномаг, морот ды физ-
культурной выступлениаткак.

И. Агеев.

Пестровкань колхозниктнэ тонавтиить А. С. Пушкинэнь произведениянзо

А. С. Пушкинэнь куломадо мейле 100 иень топодема юбилеентень анокстась Б-Пестровкасо комсомольской организациясь, ловнома кудосо-организовась А. С. Пушкинэнь произведениянзо вальгейсь ловномат ды беседат. Неть ловноматненень ды беседатнененьякить колхозниктнэ, тонавтиятне, одтейтерьтне ды од цератне, конатне кулсонть Пушкинэнь биографиядонзо, сонзэ творчестводонзо лекцият.

Те шкас ловнозь уш А. С. Пушкинэнь истят произведениянзо, кода „О рыбаке и рыбке“ ды „О попе и о его работнике Балде“ евктнэ, „Капитанская дочка“ повестесь, „Метель“ ды лият произведениянзо.

А. С. Пушкинэнь произведениянзо ловноматнесэ сехте активной участия примить избачесь Мешков ды школьной роботниктнэ: Аксенов А. Е. Аксенова Е. ды школань директорсь А. П. Колякин.

Н. Семенова.

Минек вечкевикс поэтэсь А. С. Пушкин

Минек школась, весе тонавтиятне анокстыть А. С. Пушкинэнь куломадо мейле 100 иень топодема юбилеентень.

Арась вейкеяк школа, косо бу авольть анокста пушкинской читненень. Аноксты минек школаськак. Февралень 11-це чистэ карми улема бал-маскарад. Весе участиктнэ оршнить А. С. Пушкинэнь произведениятнесэ геройтнень костюмсо.

Минек муздром училищань тонавтиятне ловныть А. С. Пушкинэнь стихт ды поэмат.

Виктор Борисов.

ПУШКИНЭНЬ ЮБИЛЕЕНТЕНЬ

Февралень кеменце чистэ топоди сядо не, кода инязоронь властесь маштовтызе рузонь ине поэтэнь—А. С. Пушкинэнь.

Весе Советэнь масторось те читнень аноксты призо: театратне, школатне, клубтнэ, библиотекатне пурныть творческой виест, кода бу седе ладс пачтамс Пушкинэнь творчествась колхозонь эрва велентень, невтемс массантень, кодамо ки ютась ине поэтэсь, кодамо лезэ макссь сонзэ творчествась минек масторонь весе народнэненень. Эрва чистэ газетатнэ печатать статьят, заметкат сень кувалма, кода велева вастыть Пушкинэнь читнень эйсэ: литкружкатне холдыть Пушкинэнь лемсэ журналт, драмкружкатне налксить Пушкинэнь драматической произведениянзо, хоркружкатне морыть Пушкинэнь валсо арият ды раманст.

Эйкакшт, од ломанть, сыре атят ды бабат—весе бажить кода седе

ладс вастомс ине поэтэнь юбилеентень.

Искусствань тевенть коряс управлениясь, советской писателень Союзонть Правлениясь ды профсоюзтнэнь советэсь февралень кеменце чистэ гортеатрасо кармить ютавтомо Пушкинэнь годовщинанзо кувалт чокшне.

Те чокшнентень пурнавить производствасто стахановецтне, тонавтият ударниктне, якстереармеецтне, редакциянь роботниктне.

Оперань артистнэ те чокшнестэнт кармить морамо Пушкинэнь валсо арият, романст, писательтне кармить ловномо эр्यान ды мокшен кельсэ Пушкинэнь произведениянзо, эйкакштнэ лисить декламация марто.

Тедэ башка искусствань управлениясь ды писателень союзось кучить производства творческой бригадат, конатне теить Пушкинэнь.

кинэнь эрямонзо ды творчествонзо кувалт докладт, кармить ловномо сонзо стихотворениянзо.

Писательтнень пельде бригадатненень марто молить Ильфк, Куторкин, Григошин, Еришовеев, Ардеев Бебан, Белов, Карасев ды Чесноков.

Истят жо творческой бригадат улить кучозь Б-Вережниковской, Кочкуровской, Атяшевской, Зубово-Полянской ды Ковылкинской районга.

Не бригадатне Пушкинэнь чокшнентнень ютавтомадо башка кармить таркава проверямо литкружкатнень роботаст ды кода сын анокстась прят Пушкинэнь читненень.

Комсомолонь Обкомось, НКП ды писателень Союзонть марто арсить теэмс одломанень литературно-творчествонть кувалт смотр.

Истя аноксты призо Советэнь масторсо народось Пушкинэнь годовщинантень, истя вечксэнек минь ине поэтэнт, сонзо знярдоак а кулыця произведениянзо.

Я. Григошин.

А. С. ПУШКИН.

НАТАШАНЕНЬ

Пужи, пужи мазый кизэсь;
Ливтязь тукшнить ванькс читне;
Ацави сексь чинь туманось
Нувсезь сулейсэть вирьтне;
Чамозевсь супав паксятне;
Налксевезь чудекирькс кельме,
Кудряв виресь сержевгадсь;
Менелеськак ожолгадсь.
Чим—Наташа! Косат течи?
Кода сельведеть а валомс?
Эль ай арсят вейке часке
Оятень седей явомс?
Аволь волнав веденть велькссь,
Аволь тантей ленгакс ало
Рана, чинь—стямо шкасто
А вастневан тонь марто.
Курок, курок телень якшам
Рошанть, паксятнь содавтсь;
Качамов кудосонть толнэсь
Курок пек цивтелгадсь;
А неса мон пек мазыйненть,
Ды, прок озяске клеткасонть,
Карман кудсо пиштемэ
Ды Наташань ледстнемэ.

Эр्यान кельс ютавтнэ

А. Мартынов.



СНИМКАСОНТЬ: Мухометов Смоленской художникенть картиназо „Дуэль А. С. Пушкина“.

КЕПЕДЕМС РЕВОЛЮЦИОННОЙ БДИТЕЛЬНОСТЕНЬ

Антисоветской троцкистской центранть лангсо процессэсь прядовсь. Таргазь лангс троцкистнэнь гнусной, вредительской, шпионско-изменнической ды террористической деятельностьсэ.

Верховной судонть приговоронзо шнызь Советской Союзонь весе трудиятне ды те приговорось ютавтозь тевс. Но те овси а корты седе, штобу алкалгавтомс бдительностень. Партиянт генеральной линиянзо изнякстнэ, неть изнякстнэ, конатне сермадозь Сталинской Конституциясонть, классовой бороцмонть а прядыть, мекс, лангсынь седеак пштилгавтыть сонзэ, ды сон, классовой бороцмось, прими международной характер.

Секскак эрва комсомолецтнэнь, эрва од ломанентнень эрви чаркодемс, што процессэнт эйстэ сехте важной урокось—те эрва шкане бдительностень кепедемась. Но бдительностень кепедемась ашти аволь сеньсэ, штобу сеедьстэ ледстнемс бдительность

валонть промкссо, заседаниясо ды лиясо.

Минек врагось тапазь, политически ды экономически лепштязь истя, што германской ды японской фашизманы ды СССР-сэ эщо апактапа враждебной класстнэде башка сонзэ арась кодамоак нежезэ. Сонензэ а кода валдо чис, народонтень ливтемс судонзо секс, што сонзэ сеске жо таргасызь лангс ды повасызь сельме икелей понгиця васеньце орта палманьс.

Врагось маскируется, кекшни сехте малавикс оянь маска алов, эцкекшни минек рядтнэс, лиясто мик партиянь ды комсомолонь рядтнэс ды салава вети эсинзэ подрывной ды вредительской роботанзо. Минек вечкевикс тетянок, учителенек ды весе мирэнь пролетариатонть вождесь Сталин ялгась аволь весть гениальной прозорливость марто тонавтсь партиянт ды масторонть, што: „эрви кирдемс мельсэ, што советской государстванть виензэ касомась карми виензамо кулыця класстнэнь кадовикс пелькстнэнь кар-

шо молемаст. Самай секс, што сын кулыть ды эрить меельсэ чить, сын кармить ютамо каявомань вейке форматнестэ омбоцес, каявомань седе резкой форматнес населенияннь удалов кадовозь слойтненень апелировазь ды советской властэнь каршо мобилизовазь. Арась истямо нулгодькс ды кенгелема, конань бу неть икелень ломаньтне аволизь кая советской властэнь лангс ды конатнень перька авольть снартне бу мобилизовамс удалов кадовозь элементнэнь. Те почванть лангсо могул живиямс ды бузмолгадомс эсэрэнь, меньшевикен, буржуазной националистнэнь центрань ды окраинань контрреволюционной партиянтнэ тапазь ташто группатне, могул живиямс ды бузмолгадомс троцкистнэнь ды правой уклонистнэнь эйстэ контрреволюционной оппозиционной элементнэнь пелькскетне. Те, нама, аволь страшна, но весе тень эрви кирдемс мельсэ, бути минь арсияно прядомс неть элементнэнь марто куруксто ды башка жертвавтомо.

Вана мекс революционной бдительностесь ашти самай истямо качествакс, конася сехте пек эрви ней большевиктнэненень. (И. Сталин, „Вопросы ленинизма“, издан.

10-е, Партиздат ЦК ВКП(б), 1935 г., стр. 510).

Врагось чиде-чис седе пек ды пек маскируется, седе изошреннойть кармасть улема сонзэ маскировкань методонзо ды седе пштилгадыть бороцмонь форманзо. Вана мекс эрви кеместэ повнямс бдительностэнтень Сталин ялганть указанианзо.

Аволь валсо, тевсэ эрвиць содамс ломаньтнэнь, а кемемс Краснобайтненень ды лабордыятненень, эрва шкане эрви проверямс сынст тевтнэнь—вана мезе вешевитнетнень пельде, кить арсить улемс бдительнойкс. Ломаньтнэнь тонавтнемась ды содамось, алкукс сталинкс содамс ломаньтнэнь, конатнень марто роботат, тонавтият, вастнэнт—вана кодамо вешемась комсомолецтнэнь, седеак пек активистэнтнэнь. Но апака вант тень лангс комсомолонь башка организациянтнень роботамонь практикасэ те вешемась а топавтови.

Атяшевасо комсомольской организациянтнэнь 1935 иестэ анокстамонь комитетэнт уполномоченонь заместигелень роботась сась кодамо-бути комсомолец Таптыгин. Куруксто сон учотсто приязно апака сайт оргодсь. Комсомолонь райкомось панизе сонзэ комсомол-

СТАЛИНСКОЙ КОНСТИТУЦИЯСЬ ДЫ СОВЕТСКОЙ ОД ЛОМАНЬТНЕ*)

А. КОСАРЕВ

Но те аламо. Буржуазиянь улит зыря способно сень туртов, штобу стакалгавтомс робочейтненень эсист представительтнен парламентс ютавтоманть.

Васняк кочкамонь кампаниясонть участиясь скулмазь пек покш расход марто. Истя, Мюр профессор лавоманзо коряс, Англиясо парламентс эрва членэнь кочкамось среднейстэ сти 1000 фунт стерлинг (25000 целковойт). Косто сынст саемс робочейтненень? США-со эрва кавто покш партиятнестэ (республиканской ды демократической) президентнь кочкамосонть участиясь сти 10 миллиондо ламо долларс (50 миллиондо ламо целковойс). Нама чаркодеви, те кочкамонь кампаниятень а нолдыть нень, кинь арась средстванзо. Мекев ланг, крупнейшей капиталистнэ финансируют сынст мелест коряс кандидатнень кочкамонть.

Келейстэ ютавтови тевсэ вайгелтнень рамсемась ды кочкиятнень лангс лепштямось. Шгобу невтемс седе вадрасто, „кода те тейневи“, невтьсынек вейке американской докторонть кочкамонтнестэ эсинзэ участиядо евтнеманзо.

„... Иллинойс штатонь конгресс кочкамонтнэ икеле,—евтнестэ сон,—монень кудось сась ломань, конань мон зярдояк эзия некшнэ эрямом перть.

— Тынк, некак, ули тейтеренк ды сон уш ниле иеть учи тарка учительницакс?—Мон меринь истя.—Истя вана,—мерсь атак терде монь инжесь, бути тон кармат голосовамо минек кандидатонть кис, минь стараято тонь тейтерень аравтомс работас. Но бути тон кармат голосовамо минек противниконть кис,—сестэ тесэ мон уш могу меремс кеместэ: зярдояк тонь тейтереть а получи работа, зярдояк сон а ули учительницакс“.

Истя насиллави (лия валсо а кода евтамс) кочкиятнень воляст буржуазной демократиянь мастортнестэ.

*) Ушодксонзо вант 13, 14 №-сэ.

Но мик истямо способс кочказь парламентскак масторсонть а ашти алкуксонь азорокс. Тевсэ сонзэ властезэ овси ограниченной.

Сон ограниченной, васняк, верней палатанть улемасо, конась может логкавтомс эрва закононть кона примазь нижней палатасо. Верхней палатась жо капиталистической весе мастортнестэ кочкави аволь демократиянь коряс. Истя, Англиясо лордтнень палатась ашти аристократической фамилиянь представительтнестэ: герцогтнестэ, графгнестэ, виконтгнестэ ды лият, конат совить палатанть наследственной правань основанть коряс. Теде башка, короленть ули правазо эрва шкасто лордтнень палатанть назначамс од членэнь эрва кодамо количества. Япониясо партнень палатась ашти верень 16 принцтнестэ, 13 князтэ ды 30 маркизтэ, графгнестэ эйстэ кочказь 17 представительтэ, 65 представительтэ ви-контнень эйстэ ды 66 представи-тельтэ баронтнень эйстэ. Сынст прибававить 121 це ломань конань назначасы сонсь императорсь „заслугань кис“ (седе сеестэ министронтнень эли крупной чиновниктнень эйстэ), 64 представительтэ нетнестэ, кить иенть пандыть 300 нент прямой налогт, ды академиянь 4 представительтэ.

Теде башка, парламентгень властэ зыря масторсо улиция корольтнестэ ды президентнестэ, конась, вчастности может нолдамс парламентнь. Правительствась истяжо ламо случайстэ зыряс независимой парламентнень эйстэ. Примеркс, Англиясо 1935 иестэ премьер-министрась Болдуин сонсь ськамонзо ютавтызе министронтнень кабинетнень реорганизациянь ды мик отказась толковамс парламентсэ те реорганизациянь тувталдонзо вопросонть.

Истямо условиянь пингстэ парламентсэ тееви „говорильнякс“, алкуксонь властэсь жо ашти нетнень кедьсэ, кие ашти сонзэ коть-мерензэ удало: капиталонь неко-

рованной корольтнень кедьсэ. Тень самый Ленин евтнестэ эсинзэ нурькине изречениясонзо: „капиталонь виесь—весе, биржась—весе парламентсэ жо, кочкамотнэ—неть марionеткат, някат...“

Аравтынк неть капиталистической порядкатнень марто Советской Союзонть устройстванзо. Минек ули кочкамонь сехте демократической праванок—всеобщей, прямой, равной кочкамот тайной голосованиянь пингстэ. Минек те правастонть арась кодаткак изы-тият ды оговоркат.

Минек масторсонть ютавтозь тевсэ несравнимой капитализманть марто государственной властень органтнень строения. Минек арась версе ды алсе палата. Сынст таркас СССР-нь Верховной Советнень составсо улит кавто вейкеть права марто палатат: Союзонь Совет ды Национальностень Совет, косо представленнойт минек масторонь аволь анык весе населениянь общей интересэнзэ, но эрва национальностенть интересэнзэ. Минек арась единоличной президентнэкс—исполнительной главанок, кона аволь зависимой народной представительстванть эйстэ. Сонзэ таркас ули СССР-нь коллективной президент, Верховной Советнень Президиум, конась целанек подотчетной Верховной Советнень, истя жо кода подотчетной сонензэ Советской Союзонь Правительстваськак. Истямо ладсо СССР-сэ весе властэсь ашти народтнень кочказтнень кедьсэ.

Весе тень эйстэ может улемс вейке вывод: анык минек масторсо ютавтозь тевсэ „демократиянь“, лиякс меремс народонь самодержавиянь подлинной ды буквальной смыслазо.

„Капиталистической мастортнестэ демократиясь, косо улит антогонистической класст,—кортась Сталин ялась—те, меельсехс ловозь виевтьнень туртов демократия, ули паронь кирди меньшинстванть туртов демократия. СССР-сэ демо-

кратиясь, мекев лангк, те трудитнень туртов демократия, лиякс меремс весемень туртов демократия. Но тестэ лисни, што демократизмань основатне колавить аволь СССР-нь од Конституциянь проектсэнь, но буржуазной конституциятнестэ. Вана мекс мон аряни, што СССР-нь Конституциясь масторлангсонть ашти вейкине педепев демократической Конституциякс*).

2. Сталинской Конституциясь—фашизманть каршо обвинительной акт

Мик буржуазной ограниченной демократияськак ванстовсь анык европейской буржуазной мастортнень вишкине пельксэнтэ. 26 мастортнестэ а седе аламо 16-тнень, лиякс меремс, буржуазной Европань кавто колмодекс пельксэнтэ ули фашистской режимезэ эли полуфашистской диктатуразо.

Фашизмасонть буржуазиясь отвергает весе демократической устремлениятнень. Фашизманть насту-плениязо—сень невтема, што капитализмась не может кирдемс эсинзэ господстванзо икелень, „демократической-методтнестэ“.

Мейсэ жо буржуазной господствань фашистской методтнень зэ-мест?

Советтнень VIII-це Съездэ лия масторонь тевтнень народной комиссарось М. М. Литвинов фашизманть максь меткой ды остроумной определения. Сон кортась седе, што буржуазной кой-кона мастортнестэ тейневить снартнемат, штобу ванстомс прятнь капитализмань противоречиятнень эйстэ кодамо простой ды истямо жо „гениальной“ средствасо.

„Бути а кода истожамс улиция недовольстванть ды тувталтнень, конатне шачтыть сонзэ, то седе шождыне истожамс недовольствующейтнень (весе ракить): Саты а меремс граждантнень недовольстваст евтнестэ, саемс кедьстэст арсематнень, бажамотнень ды вешематнень евтамонь средстватнень, лишить сынст газетнестэ, промкстнестэ, союзтнестэ, партиягнестэ, упорствующейтнень ды башка чумонь тенцятнень туртов жо строямс ды приспособить зяро эряви тюрьмат, концентрационной лагерть истя жо виселицат ды плахат, населениянь пельксэнтэ жо, сонзэ аволь надлежащей происхожден-иянзо коряс, яволятомс аволь законс ды максомс населениянь омбоце пельксэнтэнь грабамс. Тенень мерить фашизма“.

(Пезэ моли)

*) Советтнень Чрезвычайной Весесоюзной VIII-це Съездэ докладось.

Парсте тонавнтить Сталинской Конституциянь

Чамзинка велень средней школань тонавницатне парсте тонавнтить Сталинской Конституциянь. Конституциянь тонавнемась моли весе класстнэва. Пек покш мельсэ тонавницатне ловныть Сталин ял-гавть докладонзо.

И. Симдянов.

сто. Теде мейле сонензэ Канашев сась сонзэ оязо ВЛКСМ-нь Атяшевской райкомонть политтонав-тнемань отделэнь заведующеесь Чернобровкин ды тердизе сонзэ мекев Атяшевас роботамо Атяше-васо райкомонь секретаренть Рогожинэнь (ней панизь партиясто ды комсомолсто) лездеамонзо коряс Чернобровкин контрреволюцион-но-троцкистской роботанть коряс эсинзэ оязо Таптыгинэнь таго примизе комсомолс, соватнестэ райкомонь бюронть составс ды макссть тензэ характеристика Рай-ОНО-нь заведующеесь роботас Рай-комсо автень кургтнэ эзть арсеяк седе, што врагось, прок провока-тор, эци лиясто комсомолонь ряд-тнэс, руководящей роботас ды невти эсинзэ наявонь активнос-тензэ сень туртов, штобу комсо-мольской билетэнь алов кекшезь теэмс эсинзэ контрреволюционной роботанзо.

Ломаньтнень а содамось ды политической ротозействась ветизь сенень, што Атяшевась райкомось эсинзэ судонзо алдо эзизе нее контрреволюционной элем-нтнень роботаст. Вратнэ Таптыгин, Чер-нобровкин ды Коробасов эсист троцкистской деятельностьнь тур-тов ютавтсть тевс семействеинос-

тенть, винадо симеманть, бытовой разложениянь, райкомолонь ап-паратсо ды весе комсомольской организациясонть критикань аразь чинть. Райкомонь икелень секре-таресь Рогожин вейсэ неть троц-кистнень марто эсинзэ квартирасо организовакшнось винадо симне мат.

Чернобровкинэнь, Таптыгинэнь, Коробасовонь од ломаньтнень раз-ложениянь коряс контрреволюци-онной деятельность кармась уле ме возможнойкс анык секс, што комсомолонь обкомонь сезезь ком-сомольской организациятнень эй-стэ, а тонавтни кадра тнень ды а содасынзе ломаньтнень, конат ро-ботыть райкомонь аппаратсо.

Комсомолонь обкомонть самоус-покоенностэсь ды бдительностень емавтомась кемексгави сеньсаяк, што обкомось эзь тее эрявикс урок мелекеской тевтэнтэ, эзи-зе кепеде организациянь бдительно-стензэ ды врагонтень неприми-римостень. Ра хлябностэсь ды бдительностень емавтомась ветя-сь сенень, што обкомонь бюронь членэсь, пионертнень отделэнь за-ведующеесь Винидиктов, кона ней казэ роботасто, МАССР-нь Нар-компросов ответственной роботас

макссь рекомендация киненьгак а содавикс проходимецэнтень Мин-тиковнень, конань овси арасельть комсомольской документэнзэ. Те аламо, секе жо Винидиктовсь вейсэ Ментюков марто ды лия чо-пода личность марто притонсо сим-нестэ винадо.

Весе неть тевтнестэ, конатнень таргнестэ лангс крайкомонь брига-дась ды ВЛКСМ-нь ЦК-нь инст-рукторсь, аволь случайно тарга-ви лангс школоса ды эйкакштнэ ютксо воспитательной роботанть бе-рянгадомась, комсомольской пром-ксонь, политической занятиятнень сезнемась, „кулозь оймайтнень“ покш количествась, ростонть ко-ряс роботань аразь-чись седеяк пек колхозной ды коренной наци-ональностэнтэнь.

Бдительностень кепедемась кар-мавы обкомонть, райкомгнень ды комсомольской весе организаци-янь седе домкасто ваикшномс весе нэть явлениятнень, весе про-цесстнень, конатне эрсить комсо-молетнень ды од ломаньтнень ютксо, содамс народонь врагтнень кодамо формасо бу сын авольт-кекше.

34

Люпаев.

Динамовецтнэнь-пограничниктнэнь велопробегесь

Ютазь 30.000 километрадо ламо

Советской Союзонь границат нень чирева 30.872 километра кувалмос велопробегенть теизь динамовецтнэнь - пограничниктнэнь отважной пятеркась—Людмирский, Шубня, Радаевич, Морев ды Тимофеев.

Сынъ тусть Киевстэ 1936 нень февралень 15-це чистэ, 1937 нень февралень 6-це чистэ жо сынъ састь Московов.

Сынъ ютавьстэ 357 чить, конатнень эйстэ 268 чить ульнесть ки лангсо.

Февралень 6-це чистэ Московсо „Динамо“ стадионоть вакссо площадьсэнь отважной динамовецтнэнь вастызь наркомвнутделэнь пограничной ды внутренней охрананть главной управлениянь представительтне, столичанть физкультурниктнэ, ояст ды ялгасть.

МИНЕНЕК А КОСО ОЙМСЕМС

Дубенкань р—н. Сайне велесэ уш цела теле а роботы клубось. Од ломаньтне ютко шкаст ютавьтть содов банятнесэ. Сынъ зярыяксть пеняцасть комсомольской организациянтень ды клубонь заведующеентень Панчайкинэнь (сон жо парторг), но апак вант сынст пеняцамост лангс Панчайкин клубонть а панжтнесы.

Минек велесэ ули ловнома кудояк, конась истяжо эрва чокшне эрси пекстась. Зярдэ жо сывст панжсыз?

Юнкорт.

САПОЖНИКОВ Д. Г. ЯКСТЕРЕ-АРМЕЕЦЭНТЬ „ЗНАК ПОЧЕТА“ ОРДЕНСЭ НАЗЕМАДО

ССР-нь Союзонь ЦИК-сь тейсь путовкс мужеством ды самоотверженностень невгеманть кис каземс „Знак почета“ орденсэ Сапожников Д. Г. якстереармеецэнтень.

(ТАСС).

ИСПАНИЯНЬ ГРАЖДАНСКОЙ ВОИНАНЬ ФРОНТЕСЭ

Кордовань фронтсо правительственной войскактнэнь эцемаст

Мадридской фронтсо кувать ды виев бойтне, конат невтизь правительственной войскактнэнь боепособностест седе пек касоманть туртов, одов полавтовсть чатымонемасо. Правительственной войскактне виевстэ кемекстыть эсист боевой позицияст. Мадридской фронтонтень сакшнось испанской правительствань дравтось Ларго Кабальеро Мадридэнт ванстоманзо коряс комитетэнь председателенть Миаха генералонт марто. Позициянтень ванномадост мейле Кабальеро яволытьсэ: „Бути мов аволинь сода, што Мадридэс а изнявиця, мон бу теде кармавлинь содамо течинь валске“.

Мадридэнт ало пеле республиканской войскактне виевстэ эцить Толедо ошонть. Сень туртов, штобу республиканской войскактнэнь саемс Толедос эцемастонть мятежиктнэ ушодсть атака Оранкуе чугунокань кинь узловой станциянт районсо. Яла теке, сешкастонт, зярдэ республиканской войскактне Толедосэцезь, молит икелев, мятежиктнэ изнявкст эсть тее ды кандсть покш емавкст.

Виев бойть молит обед енонь фронтонт Малага портовой покш ошонть районсо (Средиземной морянь чи лисема чиресэнтэ). Малаганть лангс эциця фашистской мятежиктнэ пурнасть военной покш вийть, конатнень ютксо улить германской ды итальянской покш часть. Германской ды итальян-

ской военной караблятне истя жо виевстэ лездыть мятежиктнэнень блокировать республиканской флотонт ине ведень базанзо—Корракананть, кона ашти Малаганть пелевень чи лисема енксонзо. Республиканецтнэ тейнить героической отбойть ды аволь чуросто ютнить контратакатиенень. Сынъ сайст танковой ниле пулеметт. 200 винтовкат ды вейке танк. Виевстэ бороци республиканской авиациясь апак ванс сонсинэ аламо-чинэ лангс.

Покш эцема правительственной войскактне келейгавтсть Кордовань фронтонт (Кордовась—обед ено Испаниянь покш ош), косо сынъ совасть территорияс, кона гражданской войнань ушодовомастонт мятежиктнэнь кедьсэ. Правительственной войскактне састь Лопера ошонть малав, кона эвакуировазь мятежиктнэнь ендэ.

Пелеве ено фронтонт республиканецтнэнь артилериясь ледни яла Овидонь укреплениятнэнь (Астуриянь провинциянь главной ош). Республиканской артилериянт толсонзо яжазь мятежиктнэнь ульцянь баррикадаст. Целанек яжазь астурийской банкань кудось, конань мятежиктнэ тейнизь виевстэ кемекстаз пунтокс. Гражданской эриятне массасо орголить Овидостонт. Вет республиканецтнэнь енов сыть цела семият.

(ТАСС).

ЗАЖИТОЧНОЙ

Дубенкань район. Кенде велень Литвинов лемсэ колхозонь колхозникесь Рускин Егор колхозс совамодо икеле эрьс пек беднойстэ. Ней сон эри зажиточнойкс. Ули скалозо, вазозо ды ревензэ. Рускин Егор корты: Сталинской Конституциясь эщо седеяк пек кемекстызе честнойстэ роботамонь вием.

Пав.

АРАСЬ КУЛЬТУРНОЙ РОБОТА

Чамзинкань район. Хлыстовка велесэ роботыть кемень учитель, колмо медроботник, комсомолецт ды лият. Тень лангсапак вант, што ули пек ламо культурной вий, велесэнт арась кодамояк культурной работа а, эрсить постановкат, докладт, лекцият ды лият.

П. К.

Мадридсэ митингсэнтъ Торез ялганть кортамозо

Французской коммунистической партиань генеральной секретарентъ Морис Торезэнь Мадридэв самонзо коряс, испанской коммунистической партиань мадридской областной комитетэсь организовась покш митинг. Митингэнь участниктнэ приветствовастъ Торезэнь: „Шумбра улээ народной фронтось ды демократической Франциясь“, „Марсельезы“ ды „Интернационал“ моротнень моразь.

Торез невтьсэ эсь валсонзо, што Мадридэс тееви мировой демократиянь верденэкс (ляякс меремс атапавиця крепостекс).

— Испанской народось,—тешкстызе Торез,—те тынь рабочейтне, крестьянтнэ, интеллигенциясь, друженниктнэ, боецтнэ, народной армиянь солдатнэ. Тынк изнявксонк теезь секс, што тынь пурназьдыдо вейс.

(ТАС).

Испаниясо аватнень равноправияст коряс декрет

Испаниянь правительствась февралень 5-це чистэ нолдась декрет, конань коряс Испаниянь аватнень максовить цератнень марто вейкеть прават. Декретэнт эйсэ сехте важной пунтокс ашти эйкакштнэнень отношениянт коряс авантень секеть жо праватнень максомась, кода цератненьгак. Декретсэнт истожавить сеть преградате, конатне яравтневсть аватнэнень тевень отношениянтнень коряс.

(ТАСС).

Московсто Лион Фейхтвангерэнь туемадо

Февралень 5-це чистэ чокшне немецкой антифашистской содавикс писателесь Лион Фейхтвангер, кона 2 ковдо ламо ульнесь Московсо, тусь границань томбалева.

(ТАСС).

Ловнынк те книганть

„В. И. Ленин ды И. В. Сталин советской Конституциядонть“

СТАТЬЯНЬ, ВАЛОНЬ (РЕЧЕНЬ) ДЫ ДОКУМЕНТАНЬ СБОРНИК. НОЛДЫЗЕ ВКП(б)-нь ЦК-нь ПАРТИЗ. ДАТОСЬ. 1936 ИЕСТЭ, 446 СТР. ПИТНЕЗЭ 4 ЦЕЛКОВИТЬ

Те сборниксэнт колморазделт: I. В. И. Ленин ды И. В. Сталин советской Конституциядонть, II. ВКП(б)-сь ды Коминтернась советской Конституциядонть, III. конституционной востропнэнь коряс советской правительстванть декретэньсэ ды путовксонзо.

Конституциядонть Ленинэнь ды Сталинэнь кортамотнеде башка, сборниксэнт печатазь государствадонть, пролетариатонь диктатурадонть, советской властэнтень, прок пролетариатонь диктатурань государственной формадонть, национальной востропонт, партиядонть, социализмадонть ды лиядо марксистско-ленинской учениянь вейсэнэ востропнэнь коряс сынст кортнемаст.

Пек покш эрявикс-чизэ сборникэнь омбоце пельксэнт. Тезэнь васеньцеде пурназь вейс советской государствань теевемань востропнэнь коряс партианть ды Ко-

минтернанть решенияст. Разделэсь ушодови „1917 иень ноябрынь 15/2-це чистэ ЦК-сэ оппозициядо востропонт коряс РСДРП(б)-нь ЦК-нтэ резолюциясонзо“. Резолюциясь нолдась Зиновьевень, Каменевень, Рыковонь ды лиятнень каршо, конатне тусть эсист постот лангсто ЦК-нтэ линиянзо каршо молимань протестэнь кис.

Пек эрявикс значениязо сборниксэнт печатазь Коминтернань II-це конгрессэнт решениязо седе, „зярдэ до кодамо условиянь коряс можна теемс робочей депутатонь Советт“.

Покш значенияст сборниксэнт печатазь национальной востропонт коряс партиань X-це ды XII-це с'ездтнэнь резолюцияст, истя жо 1923 иень июнень 9-12-це читнестэ национальной республикань ды областень ответственной роботниктнэнь марто ВКП(б)-нь ЦК-нь IV-це совещаниянт путовксонзо

Нетъ решениятнесэ пурназь СССР-нь весе основной положениянтне.

Советской Конституциянт ды сонзэ касомань историянт тонавт немстэ аволь вишкине значениязо сборникэнь III-це разделэнт, конаньсэ печатазь советской правительстванть пек эрявикс декретэньсэ ды конституционной востропнэнь коряс советтнэнь с'ездтнэнь путовксост. Пек интересной те разделэнтэнь васень пельксэзэ (1917-1918 иетне), конась невти картина, кода революциянт молеманзо марто получизь эсист законодательной оформлениаст конституционной башка востропнэ, кода кев-кев кельга, кирпич-кирпечь мельгавачкавь советской государствань ине зданиясь ды сонзэ Конституциясь.

Разделэсь ушодови „Октябрьской революциянт изнявкстонзо ды сонзэ малавикс задачадонзо робочейтнэнень, солдатнэнень ды крестьянтнэнень обращениясонть“, конань эйсэ 1917 иень ноябрынь 7-це (октябрынь 25-це) чистэ советтнэнь всероссийской II-це с'ездэсэ евтась: „таркатнесэ весе властэсь юты Робочей, Солдатской ды Крестьянской Депутатонь Советнэнень, конатнэнень эрявияк теэмс алкукс революционной порядок“ (те сборниксэнтэ 257 стр.).

Те разделэнт пек эрявикс документэньсэ истятт: „Россиянь на-

родтнэнь правань декларациясь“, конась печатазь 1917 иень (ноябрынь 2-це) 15-це чистэ Ленинэнь ды Сталинэнь подписесэ ало; „Трудиянтнэнь ды эксплуатируемой народтнэнь праваст декларациясь“, конань сермадызе Ленин Сталинэнь малавикс участиянзо марто, конань кемекстызе советтнэнь всероссийской III-це с'ездэсэ ды теде мейле совась 1918 иестэ РСФСР-нь Конституциянтень ды лият.

Сборникэнь те разделэнт омбоце пельксэзэ зярыя документсэ невтезь советской республиканэнь вейсэнэгавтомань процессэсь, конась прыдовсь СССР-нь теемасонть ды СССР-нь Конституциянт теemasо.

Сборниксэнт парсте теезь предметной указатель, конась пек лезды те книганть лангсо роботамосонть.

Книганть асатыкстнэс эряви ловомс примечаниянь аразь-чинть.

Книгась нолдась парсте ды эсинзэ питнензэ коряс доступной партийной комсомольской активистнэнень ды советской ловныцатиенень.

Отв. редакторонт полавтыцязо А. БРЫЖИНСКИЙ.